

**Titel:** Seisoen van Deurbraak  
**Spreker:** Heinrich Titus  
**Datum:** 21 Februarie 2010  
**Tyd:** 09:00



#### **Desperate liefde**

##### **Markus 2:1-3**

<sup>1</sup>En ná 'n paar dae het Hy weer in Kapérnaüm gekom, en die mense het gehoor dat Hy in die huis was. <sup>2</sup>En dadelik het baie saamgekom, sodat daar selfs by die deur nie meer plek was nie; en Hy was besig om aan hulle die woord te verkondig. <sup>3</sup>En daar kom mense na Hom met 'n verlamde man wat deur vier gedra word.

#### **Die deurbraak!**

##### **Markus 2: 4-6**

<sup>4</sup>En toe hulle vanweë die skare nie naby Hom kon kom nie, maak hulle die dak oop waar Hy was, en nadat hulle dit oopgebreek het, het hulle die bed waar die verlamde op lê, laat afsak. <sup>5</sup>En toe Jesus hulle geloof sien, sê Hy vir die verlamde: Seun, jou sondes is jou vergewe! <sup>6</sup>En sommige van die skrifgeleerdes het daar gesit en in hulle harte geredeneer:

#### **'n Gewillige Redder**

##### **Markus 2:7-12**

<sup>7</sup>Waarom praat hierdie man so godslasterlik? Wie kan sondes vergewe behalwe Een, naamlik God? <sup>8</sup>En Jesus het dadelik in sy gees geweet dat hulle by hulleself so redeneer, en Hy sê vir hulle: Wat redeneer julle oor hierdie dinge in jul harte? <sup>9</sup>Wat is makliker, om vir die verlamde te sê: Die sondes is jou vergewe! of om te sê: Staan op en neem jou bed op en loop? <sup>10</sup>Maar dat julle kan weet dat die Seun van die mens mag het om op die aarde sondes te vergewe-sê Hy vir die verlamde man: <sup>11</sup>Ek sê vir jou: Staan op, neem jou bed op en gaan na jou huis toe. <sup>12</sup>En dadelik staan hy op en neem sy bed op en gaan voor die oë van almal uit, sodat almal verbaas was en God verheerlik en sê: So iets het ons nog nooit gesien nie!

#### **Radikale liefde vs dooie godsdiens**

##### **Lukas 10:25-35**

<sup>25</sup>En daar het 'n sekere wetgeleerde opgestaan wat Hom versoek het deur te sê: Meester, wat moet ek doen om die ewige lewe te beërwe? <sup>26</sup>En Hy antwoord hom: Wat is in die wet geskrywe? Hoe lees jy? <sup>27</sup>En hy antwoord en sê: Jy moet die Here jou God liefhê uit jou hele hart en uit jou hele siel en uit jou hele krag en uit jou hele verstand; en jou naaste soos jouself. <sup>28</sup>Toe sê Hy vir hom: Jy het reg geantwoord; doen dit, en jy sal lewe. <sup>29</sup>Maar hy wou homself regverdig, en sê vir Jesus: En wie is my naaste? <sup>30</sup>En Jesus antwoord en sê: 'n Sekere man het afgegaan van Jerusalem na Jérigo en onder rowers verval, en nadat hulle hom uitgetrek en geslaan het, gaan hulle weg en laat hom half dood lê. <sup>31</sup>En bygeval het 'n priester met daardie pad afgekom, en toe hy hom sien, gaan hy anderkant verby. <sup>32</sup>En net so het ook 'n Leviet by dié plek gekom en hom gesien en anderkant verbygegaan. <sup>33</sup>Maar 'n sekere Samaritaan wat op reis was, het op hom afgekom; en toe hy hom sien, het hy innig jammer gevoel, <sup>34</sup>en na hom gegaan, sy wonde verbind en olie en wyn daarop gegooi. Hy het hom toe op sy eie pakkier gehelp en hom na 'n herberg geneem en vir hom gesorg. <sup>35</sup>En toe hy die volgende môre weggaan, haal hy twee pennings uit en gee dit aan die eenaar van die herberg en sê vir hom: Sorg vir hom, en enige onkoste wat jy nog meer mag hê, sal ek jou betaal as ek terugkom.

#### **'n Antwoord in 'n vraag**

##### **Lukas 10:36-37**

<sup>36</sup>Wie dan van hierdie drie, dink jy, was die naaste van hom wat onder die rowers verval het? <sup>37</sup>En hy antwoord: Hy wat barmhartigheid aan hom bewys het. Toe sê Jesus vir hom: Gaan en doen jy net so.

## **Gebrokenes langs die pad**

### **1 Korintiërs 6:9-11**

<sup>9</sup>Of weet julle nie dat die onregverdiges die koninkryk van God nie sal beërwe nie? <sup>10</sup>Moenie dwaal nie! Geen hoereerders of afgodediensers of egbrekers of wellustelinge of sodomiete of diewe of gierigaards of dronkaards of kwaadsprekers of rowers sal die koninkryk van God beërwe nie. <sup>11</sup>En dit was sommige van julle; maar julle het jul laat afwas, maar julle is geheilig, maar julle is geregverdig in die Naam van die Here Jesus en deur die Gees van onse God.

## **Radikale Liefde**

### **1 Korintiërs 6:5-6**

<sup>5</sup>en van Jesus Christus, die getroue getuie, die eersgeborene uit die dode en die Owerste oor die konings van die aarde! Aan Hom wat ons liefgehad het en ons van ons sondes gewas het in sy bloed <sup>6</sup>en ons gemaak het konings en priesters vir sy God en Vader, aan Hom die heerlikheid en die krag tot in alle ewigheid! Amen.

## **Vriend van sondaars**

### **Matthéüs 9:9-11**

<sup>9</sup>En toe Jesus daarvandaan verder gaan, sien Hy 'n man met die naam van Matthéüs by die tolhuis sit; en Hy sê vir hom: Volg My. En hy het opgestaan en Hom gevolg. <sup>10</sup>En terwyl Hy in die huis aan tafel was, het daar baie tollenaars en sondaars saam met Jesus en sy dissipels aan tafel gegaan. <sup>11</sup>En toe die Fariseërs dit sien, sê hulle vir sy dissipels: Waarom eet julle Meester saam met tollenaars en sondaars?

## **Sy voorbeeld**

### **Matthéüs 9:12-13**

<sup>12</sup>Maar toe Jesus dit hoor, sê Hy vir hulle: Die wat gesond is, het die geneesheer nie nodig nie, maar die wat ongesteld is. <sup>13</sup>Maar gaan leer wat dit beteken: Ek wil barmhartigheid hê en nie offerande nie; want Ek het nie gekom om regverdiges te roep nie, maar sondaars tot bekering.

## **'n Ope gemeenskap**

### **Johannes 13:34-35**

<sup>34</sup>'n Nuwe gebod gee Ek julle, dat julle mekaar moet liefhê; soos Ek julle liefgehad het, moet julle ook mekaar liefhê. <sup>35</sup>Hieraan sal almal weet dat julle my dissipels is, as julle liefde onder mekaar het.

### **Handelinge 2: 40-42**

<sup>40</sup>En met baie ander woorde het hy hulle besweer en vermaan en gesê: Laat julle red uit hierdie verkeerde geslag. <sup>41</sup>Die wat toe sy woord met blydschap aangeneem het, is gedoop; en daar is op dié dag omtrent drie duisend siele toegebring. <sup>42</sup>En hulle het volhard in die leer van die apostels en in die gemeenskap en in die breking van die brood en in die gebede.

### **Handelinge 2: 44-47**

<sup>44</sup>En almal wat gelowig geword het, was bymekaar, en het alles gemeenskaplik besit. <sup>45</sup>En hulle eiendomme en besittings het hulle verkoop en die opbrings onder almal verdeel, volgens wat elkeen nodig gehad het. <sup>46</sup>En dag vir dag het hulle eendragtig volhard in die tempel en van huis tot huis brood gebreek en hulle voedsel met blydschap en eenvoudigheid van hart geniet, <sup>47</sup>terwyl hulle God geprys het en in guns was by die hele volk. En die Here het daagliks by die gemeente gevoeg die wat gered is.